

BAHRAIN REFORMED BAPTIST CHURCH

Ang Biyaya ng Diyos: Pagpapatawad

November 21, 2024

Colossians 3:12-13 = Bilang mga hinirang ng Diyos, mga banal at minamahal, magbihis kayo ng kahabagan, ng kabaitan, ng kababaang-loob, ng kaamuan, at ng katiyagaan. Pagtiisan ninyo ang isa't - isa, at kung ang sinuman ay may reklamo laban sa kanino man, magpatawaran kayo sa isa't - isa, kung paanong pinatawad kayo ng Panginoon, ay gayundin naman ang inyong gawin”

Puna: Ang pagpapatawad ay isa sa pinakamahirap na utos na gampanin ng tao

➤ Ang kapatawaran ng kasalanan ay pangunahing tema ng Bibliya...

Luke 5:32 = *Hindi ako pumarito upang tawagin ang mga matuwid, kundi ang mga makasalanan tungo sa pagsisisi*

Ephesians 1:7 = *Sa Kanya'y mayroon tayong katubusan sa pamamagitan ng kanyang dugo, na kapatawaran ng ating mga kasalanan, ayon sa mga kayamanan ng kanyang biyaya*

➤ Ang kapatawaran ay biyaya ng Diyos sa mga hinirang na nagsisi, at ang lahat ng nakatanggap nito ay nagpapatotoo din na nagpapatawad sa kanilang kapwa.

Punto: Kung walang pagsisisi sa kasalanan ay wala ding kapatawaran

Acts 3:19 = *Kaya nga magsisi kayo at magbalik-loob upang mapawi ang inyong mga kasalanan*

➤ Ang kapatawarang tinanggap natin sa Diyos ay dapat mahayag din sa atin... Eph 4:32

1. Sanhi at Bunga ng Kasalanan

Sanhi: Ang pagsuway sa kautusan ay dahilan ng pagbagsak ng tao sa kasalanan...

Mga Talata: Gen 2:16, 17; 3:6, 15-19

Bunga: Ibinilang sa sangkatauhan ang naging pagsalangsang ni Adan – Ang lahat ng tao ay naging makasalanan... Rom 5:12; 3:23; 6:23; 1 Cor 15:22

➤ Nawalan ng kakayahan ang tao na makipagkasundo sa Diyos... Eph 2:1

➤ Ang lahat ng tao ay tumalikod sa Diyos... Act 3:19; Zech 1:3

Biyaya: Ang Diyos pa din ang nagpahayag ng kanyang biyaya at kahabagan upang tawagin ang tao sa pagsisisi at nag-alok ng kapatawaran... Joel 2:12-15

2. Basehan ng Pagpapatawad

Puna: Ang Diyos ay nagpatawad sa lahat ng kasalanan ng taong nagsisi at sumampalataya kay Cristo sa pamamagitan ng kanyang sakripisyo at kamatayan sa Krus... Jn 1:29; 1 Jn 4:10; Heb 9:22

Punto: Ang pagpapatawad ay isang utos sa lahat ng tao lalo na sa mga nakaranas nito sa Diyos... Col 3:13

Matthew 6:12, 14-15 = *At patawarin mo kami sa aming mga utang, gaya rin namin na nagpapatawad sa mga may utang sa amin... sapagkat kung pinapatawad ninyo ang mga tao sa kanilang mga kasalanan, patatawarin din naman kayo ng inyong Ama sna nasa langit. Ngunit kung hindi ninyo pinatatawad ang mga tao sa kanilang mga kasalanan, hindi rin naman kayo patatawarin ng inyong Ama sa inyong mga kasalanan*

Matthew 5: 23-24 = *Kaya't kung maghahandog ka ng iyong kaloob sa dambana, at doon ay naalala mo na ang iyong kapatid ay mayroong anumang laban sa iyo, iwan mo roon sa harap ng dambana ang kaloob mo, at humayo ka; makipagkasundo ka muna sa iyong kapatid, at saka ka magbalik at maghahandog ng iyong kaloob.*

Babala: Ang pagtanggap na magpapatawad ay malinaw na pagsuway sa utos ng Diyos.

➤ Ang pagpapakitang mabuti sa harapan ng iglesia, subalit hindi nagpapatawad ay isang pagkukunwari! – Mt 18:23-35

3. Ang Lubos na Kapatawaran

Depinisyon: Ang kapatawaran ay pag-aalis o paglilimot sa kasalanan – Ito ay pagpapawalang-sala / pag-aaring ganap (*hudisyal na salita*)... Rom 3:24-26

Galatians 2:16 = *at nalalaman natin na ang tao ay hindi inaaring-ganap sa pamamagitan ng mga gawa ng kautusan, kundi sa pamamagitan ng pananampalataya kay Jesu-Cristo, at tayo ay sumasampalataya kay Cristo Jesus, upang ariing-ganap sa pamamagitan ng pananampalataya kay Cristo, at hindi sa pamamagitan ng mga gawa ng kautusan, sapagkat sa pamamagitan ng mga gawa ng kautusan ay hindi aariing-ganap ang sinumang laman*

Puna: Ang makasalanan ay hindi pinatawad dahil sa gawa ng kautusan subalit dahil sa katuwiran ni Cristo.

Punto: Ang kapatawarang mayroon tayo kay Cristo ay nangangahulugang tayo ay pinalaya na sa parusa/hatol na dapat ay pagbayaran natin... Col 1:14

Presentasyon ng Bibliya:

Jeremiah 31:34 = *sapagkat patatawarin ko ang kanilang kasamaan, at ang kanilang kasalanan ay hindi ko na aalalahanin pa,” sabi ng Panginoon... cf. Isa 43:25*

Romans 8:1 = *Ngayon nga'y wala nang kahatulan sa mga na kay Cristo Jesus*

Romans 5:1 = *Kaya't yamang tayo'y inaring-ganap sa pamamagitan ng pananampalataya, mayroon tayong kapayapaan sa Diyos sa pamamagitan ng ating Panginoong Jesu-Cristo.*

Tandaan: Ang lahat ay hindi karapat-dapat sa kapatawaran ng Diyos, subalit dahil sa Kanyang pag-ibig, habag, at biyaya ay nakamtan natin ang *husto at ganap* na kapatawaran ng Diyos sa pamamagitan ng ginawa ng Anak... Jn 3:16

4. Implikasyon

Puna: Walang kapatawaran kung walang pagtanggap ng pagkakasala... 1 Jn 1:8-10

Tanong: Paano magpatawad sa mga nagkasala sa atin, o sa ating mga kaaway?

Sagot: May pagtulad kay Cristo sa kanyang pagpapatawad... Lk 23:34

Luke 6: 37-38 = *Huwag kayong humatol at hindi kayo hahatulan. Huwag kayong humusga at hindi kayo huhusgahan. Magpatawad kayo at kayo'y patatawarin.*
³⁸ *Magbigay kayo at iyon ay ibibigay sa inyo—hustong takal, siniksik, niliglig, at umaapaw, ang ilalagay nila sa inyong kandungan. Sapagkat sa panukat na inyong ipanukat ay doon din kayo susukatin.*

Konteksto: Ito ay turo sa Biblikal na pagpapatawad at hindi para sa pangako ng pagpapala ng mga materyal na bagay

Hamon: Ang pagpapatawad ay may kaakibat na mabuting gawa sa isang pinatawad... Act 14:17; Mt 5:44-48; 1 Cor 13:4-7

Tanong: Ikaw ba ay nagsisi na sa iyong kasalanan at naranasan mo nang mapatawad ng Diyos? Ikaw ba ay nagpatawad na sa iyong kapwa?